



Posbus 7113, Newtonpark, 6055
Telefoon (041) 3651233
Faks (041) 3652586
h/v Willetstraat en 4de Laan, Newtonpark, 6045

'n Blink toekoms begin hier!

NUUSBRIEF 31

17 SEPTEMBER 2021

UIT DIE KANTOOR

Goeie dag Ouers

ERFENISDAG: 24 SEPTEMBER

Volgende week het ons 'n langnaweek met Erfenisdag op Vrydag, 24 September. Geniet die langnaweek en ry veilig indien u weggaan vir die langnaweek.

KARRI-TOEP : AFSNYTYE

Baie ouers het reeds die Karri-toep afgelaai en gebruik dit met groot sukses veral vir snoepiebestellings. Ons wil tog die volgende onder u aandag bring:

- Wanneer die betaling van snoepie (daaglik of weeklik) bestel en betaal word, **sluit** die toep om **07:00** in die oggend om die bestellings vir die dag te kan aflaai.
- Alle ander bestellings, soos die fotobestellings, het ook 'n afsluitdatum en –tyd gehad waarna dit nie meer moontlik sou wees om deur middel van Karri te bestel nie.
- Alle inisiatiewe vorentoe, waar Karri die meganisme is waardeur bestel en betaal word, sal 'n afsluitdatum en –tyd hê waarna u moet oplet sodat u betyds u bestelling kan plaas.
- Ouers moet probeer om hul bestellings vooruit vir die week te plaas en indien u vir meer as een kind bestel, sal ons aanbeveel dat u vir die eerste kind bestel, heeltemal uit die program gaan en weer ingaan om vir die tweede kind te bestel.

Ons sal dit waardeer as u ons kan help om oor te skakel na dié betaalmetode, want ons gaan in die toekoms geen kontant meer hanteer nie.

KLEREWINKEL : BESTELLINGS VIR 2022

Ons herinner **graad R-ouers** wat bestellings vir klere vir 2022 wil plaas om dit so spoedig as moontlik te doen, sodat die verskaffers dit so gou moontlik kan maak. Die pryslyste is op D6 onder "Bronne" gevolg deur "klerewinkel", beskikbaar. U sal merk dat u die bestelling vir u gerief per e-pos na: klere@lnpark.co.za kan stuur. Indien u enige navrae het, kan u gerus die dames by die klerewinkel op die onderstaande tye skakel:

Maandae + Vrydae : **07:30 – 12:00**

Woensdae : **12:00 – 14:30**

TOELATING 2022: GRAAD 2 – 7

Op Dinsdag, 31 Augustus 2021 is daar 'n brief aan elke ouer in verband met bogenoemde gestuur. Die personeelvoorsiening van Laerskool Newtonpark is afhanklik van ons jaarlikse inskrywings.

Ons versoek u om asb. die skeurstrokie onderaan daardie brief te voltooi en onverwyld saam met R800 reserveringsfooie (per kind) te betaal om sodoende te verseker dat u kind(ers) 'n plek het.

Betaling, slegs EFT. E-pos asseblief bewys van betaling na fin@lnpark.co.za met verwysing: u kind se van en naam en 2022RES.

Bankbesonderhede: Laerskool Newtonpark, ABSA takkode 632005, rekeningnommer 1400490089, verwysing: u kind se van en naam en 2022RES.

Die bedrag is voor/op 4 Oktober 2021, betaalbaar. Hierdie bedrag is nie-terugbetaalbaar en sal dien as deel van die eerste betaling op u kind(ers) se skoolgelde vir 2022. Sodra die betaling ontvang word, sal u kind(ers) se inskrywing as afgehandel beskou word.

VAKANSIENASORG: OKTOBER 2021

Die beheerliggaam het daartoe ingestem dat ons 'n opname maak om vas te stel hoeveel ouers 'n daadwerklike behoefte het om tydens die Oktobervakansie van ons nasorgdiens gebruik te maak. Dit kan slegs aangebied word indien daar ten minste 10 kinders is wat daarvan gebruik wil maak.

Die voorgestelde tydperk is:

- 4 Oktober 2021 tot 8 Oktober 2021 (5 dae). (Skole sluit Vrydag, 1 Oktober 2021 en heropen Maandag, 11 Oktober 2021)**
- U moet asseblief ook onderneem om die nasorgtye nl. **07:15-17:30**, stiptelik te eerbiedig.

Die tarief beloop R80 per dag, per kind, of R400 vir 1 kind vir 1 week. Die bedrag vir 2 kinders is R750 vir 1 week, en is vir die volle tydperk, vooruitbetaalbaar.

Daar is beperkte spasie. Sperdatum van aansoeke is Maandag, 20 September 2021.

Indien u van ons nasorgdiens gebruik wil maak moet u asb. 'n e-pos na fin@lnpark.co.za, stuur.

MCNEWTONPARK SOSATIE-SENSASIE : 23 SEPTEMBER 2021

Bestellings vir hierdie heerlike treffer-sosaties het vandag om 12:00 gesluit. Diegene wat wel bestel het, sal hul sosaties by die skool op Donderdag, 23 September kan afhaal soos aangedui op u bestelvorm.

RAISIN LEGENDS : BESTELLING OP GOOGLE FORMS

Ons het dit goed gedink om die rosyntjie-bestellings na die "Google Forms" platvorm oor te skuif om die proses vir u te vergemaklik. Meer inligting en die skakel sal volg op SMS en D6. Betaling sal steeds per EFT geskied soos voorheen.

Ons bevestig die **nuwe** bestel- en betaaldatum hieronder:

- Raisin Legends bestel- en betaaldatum : **Donderdag, 7 Oktober om 12:00** (bestelling sal op Google Forms gedoen kan word)



SKOOLKOMMUNIKEERDER

Ons herinner u dat hierdie elektroniese program **ons hoofmedium van kommunikasie met u is.**

Om die program gratis op u rekenaar af te laai, moet u net D6 by die Google soekfunksie intik, en die "D6 School Communicator" kan dan afgelaai word. Hierdie program verskyn elke oggend op u rekenaar se skerm en u kan dan sien watter boodskappe uitgestuur is en ook wat op die kalender gaan plaasvind.

Die program sal ook gebruik word om dringende boodskappe aan u te stuur. In so 'n geval verskyn daar onmiddellik 'n kennisgewing op u skerm. Die program kan bestuur word sodat u slegs inligting ontvang wat op u van toepassing is.

Die kommunikeerder kan as 'n toepassing op u androidfoon afgelaai word. Dit werk baie goed en boodskappe en inligting van die skool is dan altyd byderhand.

SKOOLGELDE 2021

Baie dankie aan al die ouers wat so gereeld hul skoolgelde betaal. Ek wil tog 'n vriendelike beroep doen op diegene wat agterstallig is, om die verpligting wat u kind se skoolgelde betref na te kom. Die skool is verantwoordelik vir sy eie rekeninge, want ons kry **minimale** hulp van die staat. Indien daar nie deur ouers gereageer word deur hul skoolgelde te betaal nie, sal die beheerliggaam genoodsaak wees om verdere stappe te neem. Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

Die volgende wyses van betaling is beskikbaar: maandelikse debietorder oor 10 of 11 maande. (Januarie/Februarie – November en is opbetaalbaar voor/op 30 November 2021. 'n Debietorder kan slegs op 'n tjek-/spaar-/transmissierekening ingestel word.) U mag ook die skoolgelde EFT. Indien u kontant wil betaal kan u by Mev. Laas of verkieslik direk in ons bankrekening betaal. Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan fin@lnpark.co.za e-pos.

Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar. Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

ELEKTRONIESE BETALINGS

REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

GEDAGTE VIR DIE WEEK



Geniet die naweek saam met jul gesinne.

Daniella

SKOOLHOOF

E-pos: skoolhoof@lnpark.co.za

Tel : 0846935318

ALGEMEEN

BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 20 September : Klerewinkel **07:30-12:00**
- Wo – 22 September : Klerewinkel **12:00-14:30**
Beheerliggaamvergadering **17:00**
- Do – 23 September : Afhaal van sosaties
- Vr – 24 September : **ERFENISDAG** – Openbare vakansiedag
Mej. Daniella Nieuwenhuis verjaar

SPORT & KULTUUR

RITMIESE GIMNASTIEK : DISTRIKS UITDUNNE KOMPETISIE

Die Oos-Kaapse Ritmiese Gimnastiek distriks-uitdunne kompetisie was op Saterdag, 28 Augustus gehou en ons kondig trots aan dat die onderstaande leerlinge uitstekend presteer het:

O/12 Vlak 1:

Ashley Mildenhall (graad 5V)

Tou : 1ste plek

“Free dance” : 1ste plek

Algeheel : 1ste plek – Goue medalje

Onder 11 Vlak 4:

Nina Rossouw (graad 4S)

“Free dance” : 2de plek

Tou : 1ste plek

Clubs : 2de plek

Algeheel : 1ste plek – Goue medalje

Baie geluk, julle!